

四川府縣志輯

(新編)

58

中國地方志集成

民國宣漢縣志

中國地方志集成

四川府縣志輯（新編）⑤8

民國宣漢縣志

巴蜀書社·鳳凰出版社·上海書店

第五十八冊目錄

民國宣漢縣志

.....

國民
宣漢縣志

民國·汪承烈 修 鄧方達等 纂
民國二十年石印本 十六卷

凡例

(一)

自明代武功志朝邑志以後論志乘者均尚簡略余意如只尚簡略則宣漢之志對於與地可以『羣山環繞三水分流』二句把山水包括完了對於財政可以『徵銀二千九百餘兩承糧花戶九萬餘名』二句把賦役包括完了全體縮小豈不較武功志朝邑志更簡嗎但是使讀者閱者有何趣味有何裨益故本志力矯此弊趨重詳明

(二)

梁任公云舊史中無論何體何家總不離貴族性其讀客皆限於少數持別階級又胡樸安云中國歷史之記載關於社會方面極為漏略吾人欲明了古時社會情形每苦無參攷

之資料前者為因後者為果均是歷史上的缺憾故本書於社會情形特別注重

(三)

貞女貞婦節婦依近人眼光本無列傳之必要惟歷史過程前代確有此制度社會實有此傾向未便聽其湮沒且近之講極端戀愛自由者昨張今李朝今夕離幾幾乎有一妻多夫之暗示亦非社會之良好現象故仍列入以存古制以資今鑑

(四)

財政一門除戶口賦役外原擬將地方之機關法團學校及近年之軍餉大餉清鄉費等分別記載乃學校一項雲隱已編入教育門其他各項又以搜輯材料諸多滯礙故僅於可

能範圍內着筆餘則概從闕略

(五)

東鄉自明始設縣有無志書無從稽攷前清時孫鑛有志編集而未成書創始者徐陳謨也在嘉慶二十年繼修者如栢也在光緒二十七年故將兩志序文及凡例附列卷首不沒前輩之苦心

(六)

舊志於人物一項凡生存者概不錄守蓋棺定論之議也然亦遵古之積習也究之事實以久遠而湮沒故我國史書不免有詳古略近之弊此次凡有一長可取者雖生必錄至於前清科舉世官及近來學校畢業者無論矣欲及從前之積習也

四川宣漢縣志

卷一

凡例

(七)

藝文一項自班志以下皆專錄著述明楊升庵集全蜀藝文志始專錄詩文修志者因之其實非法也本志原擬守班志例後以縣人著述無多故僅存其目於凡例中若詩若文於各門中附見之不另專門

(八)

此志門類既屢經變易採訪又負責者少旋訪旋編印編印印并無修改之餘地外誤矛盾自所難免閱者諒之

(九)

禮俗一門原擬子目尚有方言諺語農家占驗歌謠迷信賭博惡習等嗣以從事結束遂以快刀斬亂絲手段截至遊戲止後有暇日當續成之乃名宣漢風俗記

(十)

從前各志於禮俗一門大約皆為空語式記載如邑屬之人

少愁苦而輕易薄佚引通家有鹽銅之利戶有山川之材家

給人足以富相尚化杜宇之教而力農務引造民食魚稻無

荒年漢志士風淳樸水陽民淳訟稀王處民藝文學鮮商賈

女多紡織尚儉素通志之類讀者闕之英明真相今概取詳明

亦可以見社會生活狀況作現時之攷證而規將來之變化

一以窺地方文物之變化

地理非圖不明初擬每場一圖附於場市表後六區亦各為

分圖另以山脈圖水道圖冠於山水之首平以經費支絀測

量乏人不果

黃梨洲云志與史例其不同者史則善惡並載以示褒貶志

(二)

(三)

四川宣漢縣志

卷一 凡例

則存美而去惡有褒而無貶近人高體乾先生云志莫佔國
史的地步二說余均不無益史者一國之志志者地方之史
範圍異目的同也故凡採訪所錄或見聞所及者據事直書
無美惡之區分亦無褒貶之成見質言之簡言之出以客觀
的態度不雜以主觀也

徐陳謀求鄉志原序

昔人有云九州之志謂之九邱志之作由來尚矣厥後周志

鄭志見於經傳名雖存而未有其書其體裁不可得而考班

孟堅作漢書始有地里食貨諸志然特史之一體而不專以

志名顧其纂述叙次考核詳晰後世修志者實因之則不可

謂非志之前準也唐宋以來州邑之志始有成書迨後作者

如林不可殫述然嘗竊謂邑志之修於一邑之山川地理人

物風俗制度與廢莫不具備不獨別類分門可為儒生考訂

之資正以文獻所在俾後之為治者觀覽之下得以因勢利

導妙化裁立規制俾一邑之民皆得享其安全之利其所繫

四川宣漢縣志

卷一 原序

洵非淺鮮也東邑為漢宕梁地宋史藝文志有宕梁志二卷

其書久湮沒無傳明專遺值兵燹東鄉典籍蕩然無存國朝

以來歷未纂修愚初蒞茲土卽思搜羅舊章勩為成書詢訪

舊跡茫無可考求之書史僅得清平孫公遺稿惜其僅有數

帙未能成書既而購得川省通志乃知孫公所輯特自通志

抄出其他所增無幾於足刊示廣布延士採訪惜其地知志

言之所係者重且知志中去取之為榮辱者無幾又檢行篋

中所攜書策甚鮮無從質證爰取書史舊卷及案頭諸書聽

事之暇親加檢錄謹得數卷因捐廉付梓稍備一邑之文獻

而已古人云修史之難莫難於志矧其以志名書乎東邑之

志始厄於明季又自教匪倡亂縣城失守欲求先賢遺箴以
及典禮政績謹得之煨燼之餘所謂存什一於千百安在其
足資考證耶然及今收錄存其大略俾後之人得有所依仿
續而成之以補愚之所未逮是則區區之志也夫
時

嘉慶二十年歲次乙亥季秋月 賜進士出身知東鄉縣事
加六級紀錄八次楚北徐陳謨廸臯氏選

徐志文序

癸酉秋余授徒東鄉來鹿書院車年大約三以縣志殘缺議
補而續之將付剞劂索序於余余寓東鄉三年矣與是邦人
士晉接其山川道里風土人情得之聞見最多越歲將宦游
於北身之所歷不以毫素記之陳迹亦泡影耳爰不揣固陋
而為之序按古者與國掌之職方民風陳之太史志之所由
昉而起也夫以天下之遠廓古今之綿遠民物事蹟之紛繁
不能想像而知也必由志而考之考之而其間紀載有疏漏
字迹有差訛蠹蝕兵燹有推耗不能墨而守也必於志而補
之續之若此者所以紀實而傳信也故歷代史書而外一統

有志省有志郡有志至於縣志若甚微矣然一統之志集以
省省之志集以郡郡之志集以縣則是縣志非甚微也縣志
大備卽郡志省志一統志大備縣志有缺卽郡志省志一統
志有缺如人之有肢體不可偏廢如樹之有枝葉不可或傷
然則縣志之修烏容已乎獨足茲之補而續者義尤有在是
邑也其歷代名稱之不同郡封疆界之所及與夫城郭村墟
某山某水以及菽粟黍麻草木鳥獸之屬舊本詳矣無庸補
且續也惟東鄉自王逆亂後數十年藍逆復熾馬紅羊之劫
一再歷矣其經王逆之亂者節與義或傳其經藍逆之亂者
節與義未必傳也其著節與義而有親族為表白者或傳其

著節與義而無親族為表白者未必傳也或屠沽而隱也或
遊學而行也或婦人女子之伶仃孤苦而不顯也荆山之璞
豈無藏玉珊瑚之網豈少遺珠哉嗟乎古今來砥節礪行者
其生平貞介潔清未享人間富若貴與一切容容厚福及慷慨
赴義又無鴻才大筆為作傳記以發潛德之幽光並不得
掛一名於縣志中至與醉生夢死輩同其湮沒是區區者而
不之界也長逝者魂魄豈無憾耶而猶有顯焉者斯志中敢
失不下數十篇其錄記科第於近科未之及馬缺者補之斷
者續之庶幾覽斯者志釋夏五郭公之疑無斷兒續鶴之謂
耳至於日積月累引而伸之觸類而長之此後人之責也而

亦於此基之矣夫斯志之修也守土者固有其責亦賴一二
老成為之董卒廼克蕙其事今單年仗倡此舉其令嗣心堂
已於是科登拔萃之選行將赴都其騰達有可立待者顯微
闡幽之報夫豈或爽哉
欽如同知銜順天候補知縣文邦從謹序

徐志凡例

一田賦例有定則東邑舊多大山老林今漸開墾已成富庶
倘後老林盡開自應并科茲僅依全書載錄
一戶口因時損益東邑經教匪擾亂逃亡流散稍減於前嗣
後休養生息自當倍增茲僅就現在民數登記
一東邑前無武功近因教匪之擾英豪挺出竭力捍賊保
護鄉里有功者不少茲特取其顯達者著於篇
一刑法 令甲所頒雖各色無異然係治民之大典不可闕
略茲將減等各上諭并錄以昭我朝辟以止辟欽惟刑恤之
意

一人物列女各項生存者例不收錄緣蓋棺論定之義所以
慎去取嚴勸懲也
一古蹟祥異流寓諸門其文獻無徵者不敢附會懼失真也
一藝文惟取名人所作及有關於本邑政治風俗山川地勢
者雖文不甚佳亦可收為考訂之資其餘無關邑治者概不
收錄

一足書前因纂輯川省通志勒限飭取削稿迫促草率繕寫
分呈省府今特更加訂正付諸剞劂將來省府刊行自不免
小有異同
一足書因公餘之暇一手編輯悉皆實錄自免穢陋之譏

一志與史同義闡勸懲期於至公無私若以不應入志之人
狗情附入不足為其人榮適為志辱是書為創始之作去取
不得不嚴

一足書敘錄按天文地理為首次以吏戶禮兵刑工分列次
及名宦人物列女次及物產風俗旁及古蹟等類終之以藝
文庶幾秩然不紊云

如柏東鄉縣志原序

粵自記言記動事開紀載源流書策書方爰創史官今典稽
帝堯稽帝舜唐虞未設專官監有夏監有殷終向始傳姓氏
西周藏於柱下東魯係以春秋晉標董狐之名楚紀檮杌之
號及及炎漢馬遷作史遠摛百代遺文班固成書事著一朝
鉅典通鑑成於涑水條列已極精詳綱目筆自紫陽體例愈
臻賅備此皆累朝曠代之全史而非一郡一邑之專書也感
而八書溯源於史記實開志乘先聲十志始創於班書遂為
後來準則李吉甫元和郡縣鎮各有圖范石湖桂海虞衡物
皆為紀政太平之寰宇摻羅兼及藝文溯外紀於職方物色

不遺海表讀襄陽耆舊之傳牧令亦登狀南方草木之形繁
蕪並列凡茲撰述實紀方輿若語淹通兼資博採東邑星連
翼軫地接夔巫塔建凌霄山開文榜地因人而秀出人因地
而挺生自漢以來汗青相望溯從明季流寇肆其餘殃逮入
我朝疆宇始錄莫定嘉道咸同之際教匪煽亂於前髮逆滋
擾於後閭閻元氣大半凋殘官府圖書都成煨燼聽杜鵑之
唬血碧草猶腥感塵世之滄桑紅羊屢幻幸而清平孫氏抄
帙尚存因之蕪水徐君全書始定迨今官歷數十任時閱數
十年補輯須人纂修難緩予幸蒞茲土自愧不文憶別燕雲
頻經宦海藏書滿架敢云付託得人擊楫中流幸獲澄清有

日惟是職所當盡難卸付肩時值退閒彌殷攷訂爰集城鄉紳董倡率採訪重修因原書之條例略為變通即舊日之篇目益加補正雖物博地廣何殊入水求珠而得半見全不難成叢集版覽斯志者閱輿地官師知分土設官之意閱典祀營建知禮樂制作之精閱賦役學校知生聚教訓之方閱選舉人物知培植雙軌之盛閱蹟祠廟知稽古居今之義閱藝文武備知內修外攘之功庶幾一十五甲之人文事蹟從今愈積而愈彰數百餘里之物產菁華自此愈增而愈盛也已足為序

賞戴花翎在任候選道署綏定府東鄉縣事汶川縣知縣長

四川宣漢縣志

卷一

系序

白如柏謹撰

如柏東鄉縣志卷序

曩聞陸清獻公今靈壽時重修縣志而未之見嗣游畿輔獲觀全書序例條目靡弗賅備紀述盡訓胥寓惻然之意類多藹如之言使讀者生仁愛之心勤忠敬之念蓋雖紀一邑之山川風土而百世之典則咸具焉稽載籍自易詩書禮以外若左氏傳所語志於夫子者言以足志文以足言則舉以覆子庶克已復禮仁也則以美子萃并以誨顏淵是則周官小史外史所掌邦國四方之志往往至語法言可輔六經之所未備志乘有關於治化如此顧可忽乎哉予昔幕遊東鄉偶閱舊志簡編脫略體例繁蕪而羅壯勇公思舉桂軍門涵

四川宣漢縣志

卷一

系序

九

均為邑人嘉慶之初教匪倡流兩公奠安桑梓轉戰荆襄卒平亂患厥功甚偉聽鼓擊而思將帥之臣宜如何表彰而鼓舞之顧於邑乘而略焉不詳因是以思陸清獻之重修靈壽縣志固非俗吏之所能為也楊鏡荃茂才與予少同筆硯以如壽峯明府重修東鄉縣志郵寄披誦一過有條不紊無善弗彰賦役之緣起班班可考武功之紀載歷歷可稽羅桂兩公之豐勲偉略亦於是乎顯而所謂至語法言者尤足以資教化而輔治道實獲我心不禁距躍因知賢宰官表揚光烈即以典起後賢千古同揆初無二致固非俗吏之所能為也足為序

賜進士出身翰林院庶吉士山東嘉祥縣知縣成都葉大可

拜撰

四川宣漢縣志

卷一

原序

如志凡例

一原志篇目三十三門為類既繁殊難統系今以輿地官師
典祀營建賦役學校選舉人物古蹟祠廟藝文武備為十二
志仿徐琴舫學士鄧都縣志之例其原志篇目各從其類方
隸於每志之內條例既屬分明檢閱亦便尋覽實非有所更
易闕者鑒之

一原志於 上諭恩詔散見編政刑法兩門今與 宸章並
皆編列卷首蓋仿史家首列世紀之意以示尊崇

一官師志凡歷任知縣黃史主簿教諭均經增入間有名字
籍貫未經詳列者因案卷殘闕無從考證至武秩一條况署

無卷可稽故仍從闕略

一文廟及文昌閣帝各祠原志祭文均非

欽頌文字今悉更正與樂章歌辭及

欽頌舞容譜並詳載於典禮備考卷內至兩廡先賢先儒崇

祀及生卒年代均為詳注明晰並將道光以後奉

旨從祀者一體列入

一田賦科則戶口人數以及倉穀存儲支領存留各項款目

均照現行案卷詳註並無增減

一選舉人物兩項凡條續經採訪者均依類編輯於後間有

未盡詳悉者係照原探者開載敢妄加增注

四川宣漢縣志

卷一

如志例

二

一藝文一類除章程各條應行刊刻者均編入賦役學校兩志此外舊有稟牘告示及壽序與邑志無涉者均與刪去以別體義惟藝文有原孤脫落文義舛錯者應俟訂正再行刊列

一典禮備考二卷原志所無此書係萬縣范泰衡學博照大清會典纂輯內除文廟各祠禮樂儀文程式外凡品官士庶人冠婚喪祭之禮均依會典開載最為詳明切近東邑僻在一隅尤宜考究俾士大夫家講習而表率之亦敦正風俗之一道也

一選志一事修纂固難校讎尤不易此編創始於辛丑嘉平

之月告竣於壬寅春暮繕寫既乏佳手校對尤形迫促瓜期已及屬彙僅成其中錯訛恐有未盡所望後之君子詳加釐訂然後付梓則闔邑幸甚余尤幸甚

增修宣漢縣志序

間嘗觀魏默深之圓海國徐松龕之志瀛寰談侈鄒衍荒遠難稽非航行遊歷誰克辨其政教之文野為言治者所取鑑至本國史籍如馬遷班范涑水紫陽諸作及馬杜鄭三氏之通攷通典通志紀歷朝之治亂載制度之沿革此乃史學專家欲上下數千年原原本本殫見洽聞研究而矜浩博者所有事若夫縮方輿於目前識典型其未遠徵文攷獻故人鄉土之思增進智力足以奮起群材者其要惟邑乘之著述乎余自民十三年冬東節戍宣望川原而訪軼事早欲得縣志一覽其詳惜時書缺有間適汪大令叔度初來熱心掌故方

與邑紳倡議修輯設局於教育局內延聘鄧孝廉柳泉羅中將晉士及龐君斗南向君雲隱諸名宿分司編校各役竊拭目俟者久之今何幸而竟觀厥成卷分十四帙秩然告備由教育張局長嶽嵩持來屬序余雖不文而展閱一過意興斐然蓋有足志益知群峰起伏沿已脈而峙巍峩三河貫流匯岩渠而轉江瀆經教匪之亂城寨幾遷動春築之工廟社斯復名將則羅桂標勛良吏則趙李揚烈公忠不乏俊彥節孝代有淑媛椅桐梓漆物產衛土之宜煤鐵耳茶寶藏天府之厚羽族麟族珍畜駟頤維條維天庶彙蕃殖而况文鳳之山聳秀來鹿之亭呈祥磅礴靈氣所鍾人文於焉蔚起倘史教

育廣被化獲悍為賢豪實業提倡闢荒陬為沃壤行見魁傑之才輩出富饒之利勃興現此風土洵足使人感發興起由愛鄉而愛國以與世界民族競競謂非斯志之作充餉讀者以偉大之責效歟爰樂為誌其顛末仍冀後之人繼續有作用補闕政之闕永為令典云

時

民國十九年秋九月川陝邊防軍第二師師長魏邦文撰於宣漢軍次

增修宣漢縣志序

昔大禹作貢紀九州山川物產是為方志導源成綱司以專官邦國四方之志掌於小史外史漢唐以來著述日繁凡圖經風土歲時先賢耆舊之記載多有傳者宋明後郡縣有志始合疆域山川物產貢賦人物諸門蓋為一書條目釐然於以大備宣漢介蜀之東北境其山邱陵其土沃饒人文之盛感物產之豐盈實乎尚已其舊志已佚無存可考者清嘉慶中之徐志光緒中之知志而已歲踰二紀朝市更易志之宜有事留心文獻者咸無異辭民國十三年冬予宰是邦會省中有重修通志之役檄下各屬修縣志且頒科條表式示以

予乃謀訪於長風若魏君經始來訪十五年始... 邑有諸鄧折泉先生總其成... 君斗南向石雲隱... 經筵襄其功予則與鏡實籌畫經費期以歲月觀成... 而兼盪經筵未至鄧先生訂義例斗南雲隱前從事撰述... 而與鏡實相繼卸去鄧先生亦棄世十九年春予更來... 始聞鄧先生歿後羅君壽士自京歸繼其事於前訂門... 頗有更張時以縣人急望成書... 例同時并舉計出... 版者已什二三例目既更抵牾錯之弊間所不免曰初稿... 示有待也於是敬育局長張君嶽萬手一帙來請序嗟夫宣... 志之修六閱寒暑矣別三載而來此適當是書之成吾始之

吾終之何其幸也雖然志者積記其事也小之徵文獻大之闡政治察往以開來酌古而準今又非徒取記載詳贍而已觀於教育職業物產官師人物禮俗諸志則後此之宜因而進葦而新發皇而昌熾之者是必有其道焉而官師之臧否人物之盛衰則又予與縣人士所當觀感而興起者乎爰不辭而序之

中華民國十九年秋九月陽安汪承烈序

重修宣漢縣志序

宣漢立縣見於常璩華陽國志今連縣也縣舊為宣漢東北一隅民國初改東鄉為宣漢千餘年來沿革不一文獻罔徵舊徐如兩志惟宋主簿朱保衡城陷死事一節為最古餘如文山因羅隱題詠後遂謂字壁霞苔為縣屬八景之一二志俱不詳此猶曰年久失載不足怪也明時如何貢於黃河舟上拾巫山舉人王翔文憑銀兩仍還之事見開縣志清初舟嶙以恩貢起義復川勢屈死於羅頂寨即今赤溪場後天台觀事見蜀碧天問閣諸書同時向朝陽以武進士鎮守巫山陣亡事見向氏舊譜及瀼溪居士集王三槐之亂武舉邢彪

率鄉勇督戰陣亡見連縣志此皆昭然耳目而舊志不載者其尤可嗤笑者鉛印本大清一統志誤以彭水縣舊名洪杜漢嘉之文為東鄉縣沿革清本教諭陳其昌引以為據縣人稱為多聞不敢非笑今縣西沿山場廢寺中刻石有達州嘉魚縣之文吾以詩稱南有嘉魚者即縣東上流之洋魚命名為最古雅致促採訪揭印以資參攷迄今不得一見是以志之成也舉燭尚明因通書而求治魯氣安豕以訛偽而亂真然後知舊志之不完善者非徐如二公之過也夫康對山之志武功本先人手澤兩世心血始以簡而見長徐琴航之志鄧都以平生精力多士見聞始以詳而稱善志亦豈易言哉

亦豈一二人之知識見聞遠成完書哉作實民國五年胡學本邑即欲重修因循未就繼而遂補眾議院議員議法百粵五載歸來張君鏡泉長孫教育已請鄧師柳泉重修志以屬君斗南做旗雲隱助鄧師協纂吳鄧師波歸還山鏡泉亦卸教職踵其後者又作實也羅君春士歸自北京遂續鄧師總纂然鄧師體例多功武功已將屬向二君所編分頭對印春士以其大簡更今日已師者有仍有去今卷數參差以紅戳改訂者即此也後作實去職以今為長張君嶽嵩繼之印已過半款項支絀及乎有缺成完書而不能之勢未久羅君春士之官重慶編輯去職氏族藝文襟記諸多未成

四川宣漢縣志 卷一 十八

武備財政禮俗成而未備於是人物後而繼以禮俗取化民成俗之義終焉作實嘗欲重修而成完書者又曾躬職其事而究不能成完書者特綴數語以明經過事實自著其失志云乎哉序云乎哉

時
民國二十年秋八月二等嘉禾章前任總統府顧問第一屆眾議院議員向作賓序

重修宣漢縣志目錄

卷一

輿地志 沿革 疆域 花甲地 山水 道路 津渡 橋梁

卷二

營建志 城廡 縣城形勝圖 縣城街道圖 里甲 場市 井堰 坊表 冢墓 郵電

卷三

祠祀志 典祀 奉祀

卷四

物產志 動物之屬 植物之屬 礦物之屬 貨物之屬

卷五

職業者志 農業 工業 商業 礦業 醫藥 紙版 木版 漁業 蠶業 婦女職業

卷六

賦役志 印財政志 戶口

卷七

倉儲志 糧食 常平倉 義倉 社倉 濟倉 監倉 積穀

卷八

官師志上 知縣 主簿 典史 把總 知事 經儀局長 警廳署所長 典獄員 菸酒公賣局長 實業局長 禁煙魚鱗局長 菸酒公賣局長 實業局長 實業局長 實業局長

官師志下

敬諭 訓導 視學 山長 塾師 教育局長

卷九

官師志下 敬諭 訓導 視學 山長 塾師 教育局長

教育志 義學 社學 書院 學額 月課 學田 寶興 各級學校

卷十

武備志上

駐防 礮沉 儲邊 周隘 塞砲 歷代兵事附
歷代兵事工編始末 清承 歷代兵事下編氏圖
駐防軍及匪禍未成

卷十一

武備志下

歷代兵事外編表章

卷十二

人物志一

文科選舉 武科選舉 高級學校畢業生 議員
進士 舉人 恩貢 拔貢 優貢 副榜貢
歲貢 廩貢 附貢 功貢
武進士 武舉 高級武備學校畢業生

四川宣漢縣志

卷十一 目錄

二

人物志二

勳臣 武秩附

卷十三上

人物志三

薦辟 孝廉方正 援例 忠義 封贈 蔭襲
鄉官 耆老

卷十四 三下

人物志四

孝友 義大 急公尚義 公正紳董 公善 拾
金不昧 隱逸 滑稽 方技 仙釋 流寓

卷十五 四

人物志五

壽母 賢母 孝婦 貞婦 孝女 貞孝女 貞
烈女 節孝婦 上編 節孝婦 多男婦 節孝女 下編
節孝婦 外編 節孝婦

卷十六 五

禮俗志

冠昏 喪筵 祭祀 歲時節序 交際 賭博 游戲
方言 訪語 歌謠 迷信 宗教 賭博 遊藝

重修宣漢縣志卷一

輿地志第一 全縣圖 沿革 津渡 橋梁 甲地

斗南龐麟炳編輯

域民以封疆華離析併代無常宇大抵因山河之形便時勢之需
要而定轄境之廣狹也宣漢幅幘較之狹隘下縣遼濶不啻十倍
有奇王者度地以居民夫豈漫無限制哉蓋縣屬多山除三河兩
岸畧有平原外餘皆重巒疊嶽也達縣萬源花甲之地亦復錯峙
其間且極東如雙河口等處半多不毛極西如馬渡關等場亦乏
沃土故面積雖廣而生產力究屬薄弱也今則地盡墾闢民日繁
庶負生聚教訓之責者能勿怍然有動於中乎在縣言縣因地制
宜見山之高而思所以厚滋培見水之流而思所以資灌溉見道

四川宣漢縣志

卷一 輿地

路之崎嶇而思所以利交通見今昔之沿革而思所以善區畫見
疆圍之叢錯而思所以謀整齊待理者眾望治方殷敢告司牧按
圖披籍當不難得其大凡矣作輿地志第一
全縣圖

地理之需夫圖也盡人而知之矣蓋幅幘廣狹道路遠近
水道源流山脈起伏分門別類夥頤沉沉苟無圖以表明
之談者縱極津津聽者終難了了鄭漁仲云圖至約也書
至博也即圖而求易即書而求難誠哉是言惟從前各志
率多冠圖篇首於古人左圖右史之義殊有未合茲特以
類相從列入篇次用便省覽